

131*. SCORZONERA? *tuberosa*. Tab. Y. fig. 3. *Plantae.*

Calmuccis *Kyffiyk*.

Chondrilla altera Dioscoridis, *prior*. R A U W O L F. *it. orient. n. 117.*
 Scorzonera humilis, tuberosa, fyrriaca. MORIS. *hist. sect. 7.*
tab. 9. f. 16.

Dens Leonis montanus, fol. gramineis. B V X B. *cent. II. p. 24.*
tab. 18. fig. 2?

Pro radice *tuber* lactescens, subglobosum, vel transuersum
 ouale, verrucis aliquot radiculiferis notatum, mole nucis vel oui
 columbini, e quo *stipes* secundum profunditatem situs 1 ad 3
 pollicum, teres, plerumque simplex, interdum bi vel trifidus, qui
 summo stuposus, folia et flores explicat. *Folia* e vaginis alter-
 nis albis, membranaceis copiosa, lineari-acuminata, carinata, sub-
 tus pubescentia. *Caules* maioribus radicibus plures, foliis breuiore,
 subpubescentes, striati, interdum vniflori, foliolo vix vno alteroue,
 saepius pedunculo vno binisue lateralibus instructus *Flores* termi-
 nales, ante florescentiam nutantes. *Calyx* pubescens, calyculatus
 squamis extimis circiter octonis, breuissimis, laxioribus, apice seta-
 ceo reuolutis (quo differt a *Scorzoneris*); *Interiora* foliola ae-
 quinumerata, corollae radium aequantia, margine membranacea.
Corolla flaua, semiflosculosa, radio subtus purpurascens, flosculis
 quindenis vel paucioribus, truncato-crenatis. *Semina* striata, pappo
 sessili, longitudine calycis erecti.

Abundat in limosis, praeruptis, aridissimis circa Volgam
 australem, medio Aprili florens, peritura Maio, soloque tubere,
 qui Calmuccis edulis est, intra limum aridissimum perennans.

132. SAGITTARIA *natans*. Tab. G.* fig. 3.

Radix fibrosa, fundo lacuum immersa, bulbo nullo. *Folia*
 pedunculis aliquot spithamas, imo vsque ad orgyam aequantibus,
 sensim adtenuatis in aquae superficiem eleuata, natantia, oblongo-
 acuta, basi interdum subcordata, trineruia. *Scapi* itidem longif-
 simi, inter folia orti, nudi, umbellati, umbella pauciflora et ple-
 rumque prolifera, floribus superioribus masculis. *Involucrum* exi-
 guum, triphyllum. *Calyces* triphylli, paruuli; *petala* alba, ma-
 iora, quam in *Sagittaria* vulgari. *Antherae* in flore *masculo* cir-
 citer 20. et rudimentum germinum inter filamenta. *Feminei* flo-
 res in pedunculis breuioribus; *Germina* in globulum echinatum con-
 gessa, copiosissima. — An esset Varietas *Sagittariae* minoris?

